



ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Зajедничка комисија оба дома за постизање
идеичног текста Закона о парламентарном
надзору

Zajednička komisija oba doma za
postizanje identičnog teksta Zakona o
parlamentarnom nadzoru

Zajedničko povjerenstvo obaju domova za
postizanje istovjetnog teksta Zakona o
parlamentarnom nadzoru

Broj: 01,02-50-14-478-1/18

Sarajevo, 20.2.2018.

PREDSTAVNIČKOM DOMU
DOMU NARODA
PARLAMENTARNE SKUPŠTINE BiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

B

PRIMLJENO 21-02-2018			
Organizaciona jedinica	Klasifikaciona oznaka	Redni broj	Broj priloga
01.02	02-1	1348	17

Na osnovu člana 120. st. (2) i (3) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), člana 129. st. (2) i (3) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zajednička komisija oba doma za postizanje identičnog teksta Zakona o parlamentarnom nadzoru (u daljnjem tekstu: Zajednička komisija), u kojoj su: Darko Babalj, Sead Kadić, Ljilja Zovko, Nermina Kapetanović, Nikola Lovrinović i Jovan Vukovljak, podnosi

IZVJEŠTAJ
o postizanju identičnog teksta
Zakona o parlamentarnom nadzoru

Predstavnički dom Parlamentarne skupštine BiH na 53. sjednici, održanoj 25.10., 29.11. i 14.12.2017., usvojio je Zakon o parlamentarnom nadzoru s četiri amandmana koji glase:

Amandman I.

U članu 1. Prijedloga zakona o parlamentarnom nadzoru stav (2) mijenja se i glasi:

„(2) Predsjedništvo BiH, Ustavni sud BiH, Institucija ombudsmena za ljudska prava BiH i Ured za reviziju institucija BiH nadziru se isključivo po pitanju finansijskog poslovanja. Centralna banka BiH nadzire se u skladu sa Zakonom o Centralnoj banci Bosne i Hercegovine.“

Amandman II.

U članu 31. Prijedloga zakona o parlamentarnom nadzoru stav (4) briše se.

Amandman III.

U članu 64. stav (1) a) Prijedloga zakona o parlamentarnom nadzoru iza broja 11. dodaju se zarez i riječi: „21., 25., 29., 34. i 36.“

Amandman IV.

U članu 64. stav (1) b) Prijedloga zakona o parlamentarnom nadzoru iza broja 12. dodaju se zarez i riječi: „21., 25., 29., 34. i 36.“

Dom naroda Parlamentarne skupštine BiH je na 5. hitnoj sjednici, održanoj 22.12.2017., usvojio Zakon o parlamentarnom nadzoru s pet amandmana koji glase:

Amandman I.

U članu 1. Prijedloga zakona o parlamentarnom nadzoru stav (2) mijenja se i glasi:

- (2) „Predsjedništvo BiH, Ustavni sud BiH, Institucija ombudsmena za ljudska prava BiH i Ured za reviziju institucija BiH nadziru se isključivo u pogledu finansijskog poslovanja, a Centralna banka BiH nadzire se u skladu s članom 64. Zakona o Centralnoj banci Bosne i Hercegovine.“

Amandman II.

U članu 31. Prijedloga zakona o parlamentarnom nadzoru stav (4) briše se.

Amandman III.

U članu 13. Prijedloga zakona o parlamentarnom nadzoru iza stava (3) dodaje se novi stav (4) koji glasi:

„(4) Program s rokovima primjene preporuka iz stava (2) ovog člana objavljuje se na internetskoj stranici revidirane institucije i na internetskoj stranici Parlamentarne skupštine BiH.“

Amandman IV.

U članu 19. Prijedloga zakona iza stava (1) dodaju se novi st. (2) i (3) koji glase:

„(2) Saslušanje se provodi uvijek u slučajevima ponovljenih pojedinačnih nalaza revizije istog ili sličnog sadržaja najmanje dva puta u posljednje tri godine, prema službenoj evidenciji

Ureda za reviziju institucija BiH i komisija za finansije i budžet oba doma Parlamentarne skupštine BiH, te nakon svakog objavljenog izvještaja o reviziji učinka.

(3) Saslušanju iz stava (2) ovog člana obavezno se podvrgavaju odgovorna i ovlaštena lica nadzirane institucije, u roku od 90 dana od objavljivanja zadnjeg revizorskog izvještaja.”

Dosadašnji stav (2) postaje stav (4).

Amandman V.

U članu 23. iza stava (3) dodaje se novi stav (4) koji glasi:

“(4) Izvještaj o saslušanju, zajedno sa zaključcima iz stava (2) ovog člana, objavljuje se na internetskoj stranici Parlamentarne skupštine BiH i na internetskoj stranici nadzirane institucije, u skladu sa Zakonom o zaštiti tajnih podataka.”

Predmet usaglašavanja su amandmani I., III. i IV., usvojeni na 53. sjednici Predstavničkog doma, i amandmani I., III., IV. i V., usvojeni na 5. hitnoj sjednici Doma naroda.

S obzirom na to da je Prijedlog zakona o parlamentarnom nadzoru usvojen u različitom tekstu u odnosu na Predstavnički dom, Dom naroda je na istoj sjednici formirao Zajedničku komisiju za usaglašavanje teksta Zakona u koju su imenovani sljedeći delegati: Darko Babalj, Sead Kadić i Ljilja Zovko.

Predstavnički dom je na 56. sjednici, održanoj 31.1.2018., u Zajedničku komisiju za usaglašavanje teksta imenovao sljedeće poslanike: Nikolu Lovrinovića, Nerminu Kapetanović i Jovana Vukovljaka.

Sekretari oba doma Parlamentarne skupštine BiH zakazali su 1. sjednicu Zajedničke komisije za 20.2.2018. Na konstituirajućoj sjednici izabrani su: Ljilja Zovko, za predsjedavajuću Zajedničke komisije, Nermina Kapetanović, za prvu zamjenicu predsjedavajuće, i Darko Babalj, za drugog zamjenika predsjedavajuće Zajedničke komisije.

Nakon toga raspravljano je o postizanju identičnog teksta Zakona.

Nakon rasprave, Zajednička komisija jednoglasno je postigla saglasnost o identičnom tekstu Zakona o parlamentarnom nadzoru tako što je usvojila sljedeće amandmane:

Amandman I.

U članu 1. Prijedloga zakona o parlamentarnom nadzoru stav (2) mijenja se i glasi:

„(2) Predsjedništvo BiH, Ustavni sud BiH, Institucija ombudsmena za ljudska prava BiH i Ured za reviziju institucija BiH nadziru se isključivo u pogledu finansijskog poslovanja, a Centralna banka BiH nadzire se u skladu s članom 64. Zakona o Centralnoj banci Bosne i Hercegovine.“

Amandman II.

U članu 13. Prijedloga zakona o parlamentarnom nadzoru iza stava (3) dodaje se novi stav (4) koji glasi:

„(4) Program s rokovima primjene preporuka iz stava (2) ovog člana objavljuje se na internetskoj stranici revidirane institucije i na internetskoj stranici Parlamentarne skupštine BiH.“

Amandman III.

U članu 19. Prijedloga zakona iza stava (1) dodaju se novi st. (2) i (3) koji glase:

„(2) Saslušanje se provodi uvijek u slučajevima ponovljenih pojedinačnih nalaza revizije istog ili sličnog sadržaja najmanje dva puta u posljednje tri godine, prema službenoj evidenciji Ureda za reviziju institucija BiH i komisija za finansije i budžet oba doma Parlamentarne skupštine BiH, te nakon svakog objavljenog izvještaja o reviziji učinka.

(3) Saslušanju iz stava (2) ovog člana obavezno se podvrgavaju odgovorna i ovlaštena lica nadzirane institucije, u roku od 90 dana od objavljivanja zadnjeg revizorskog izvještaja.“

Dosadašnji stav (2) postaje stav (4).

Amandman IV.

U članu 23. iza stava (3) dodaje se novi stav (4) koji glasi:

“(4) Izvještaj o saslušanju, zajedno sa zaključcima iz stava (2) ovog člana, objavljuje se na internetskoj stranici Parlamentarne skupštine BiH i na internetskoj stranici nadzirane institucije, u skladu sa Zakonom o zaštiti tajnih podataka.“

Amandman V.

U članu 64. stav (1) a) Prijedloga zakona o parlamentarnom nadzoru iza broja 11. dodaju se zarez i riječi: „21., 25., 29., 34. i 36.“

Amandman VI.

U članu 64. stav (1) b) Prijedloga zakona o parlamentarnom nadzoru iza broja 12. dodaju se zarez i riječi: „21., 25., 29., 34. i 36.“

Zajednička komisija predlaže Domu naroda i Predstavničkom domu Parlamentarne skupštine BiH da usvoje ovaj izvještaj i prihvate jedinstveni tekst Zakona o parlamentarnom nadzoru s amandmanom koji su usvojila oba doma u identičnom tekstu (Amandman II), i amandmanima koje je ova zajednička komisija usaglasila.

Za izvjestioca u ime Zajedničke komisije na sjednici Doma naroda imenovana je delegatkinja Ljilja Zovko, a na sjednici Predstavničkog doma poslanica Nermina Kapetanović.



PREDSTAVLJAVAJUĆA KOMISIJE

Ljilja Zovko
[Signature]

Dostaviti:

- naslovu
- a/a

